

茅山志卷之二十

師六

茅山志卷之二十

師六

上清嗣宗師劉大彬造

錄金石篇

梁碑

九錫真人三茅君碑文

見九錫玉冊文
見誥副墨篇

梁普通三年歲在壬寅五月壬辰朔十五日丙午三洞弟子領道士正

吳郡張繹立茅山道士孫文翰書素道與刻字

太元真人司命君諱盈字叔申咸陽南關人

以漢景帝中元五年太歲丙申誕生茅氏之

胤年十八棄家學道入恒山六年

時年二感

道通神遂師西城王君十有七年時年四十又三

年與王君同乘駕詣龜山王母授經仍隨王

君還西城修法三年時年四十七顏如玉童體有

光照王君復賜九轉還丹一劑君道時成

四十有九年還家侍養父母而役使鬼神人

師六

有橫死久葬皆令更活侍家凡五父母既歿

後至漢元帝初元五年太歲丁丑四月三日

迺顯乘雲駕來江左句曲之山時年一百二歲停住

凡四十三年至哀帝元壽二年太歲庚申八

月十八日己酉受錫畢迺從衆官乘雲駕往

霍山赤城玉洞之府也臨去告二弟曰吾今
去便有局任不得數相往來當一年再過來
此山三月十八日十二月二日期要吾師及
南嶽太虛真人游眇若有好道者吾自當料
理之有心相教訓於未悟也

定錄真君諱固字季偉太元君之次弟景帝
後元元年太歲戊戌誕明於世以英輝仁睿
貞孫霞舉察孝廉舉賢良拜五官郎武威太
守以孝元四年太歲丙子四月轉執金吾卿
司命對賓之日時年一百歲

保命仙君諱衷字思和太元君之小弟後元
三年庚子歲誕少以節行顯名貞高著稱隱
居華嶽五十餘年以學優可仕宣帝地節二
年為雒陽令轉西城校尉以四年四月拜上
郡太守五更大夫即與定錄君同日就路司

師六

二

命對賓之日時年九十有八二君到丁丑年
並解任還家修學積五年元帝永元五年歲
在壬午過江來尋兄中君時年一百五歲修
小君時年一百三歲行懃劬二十四年廼賜九轉還丹一劑照之
成道

碑文

若夫有無之莫辯陰陽之不測故自無得而
稱之今且談其轍迹述其攸處君廼咸陽南
關人也始胄之興則姬于黃帝周公之次子
分軾致宗氏茅族馬高祖濛深識玄覽絕塵
華嶽及君入山顯乘雲駕控龍南嶺祖意才
兼方員智通文武掃定荆揚秦皇嘉悼贈以相
國之禮父祚懷淳古之氣抱上皇之真不學
不仕確然而不可改也君稟元靈於妙始拱
至德於玄符生知獨穎天情孤脫深念促生

之不淹悟仙齡之可求故能棄纓紱於宰門
服紉蒞於丘壑年十八隱居恒山以從其道
心業二篇口談十翼茹芝朮以堅糧掇薜蘿
而爲服在山六年翹勤精苦遂仰感西城王
君親躬執事十有六年進近衣書預同輿駕
廼泛白水而造龜山登青琳而詣王母受玉
珮金璫之文太霄隱書之道遂得還形玉狀
反少天姿王君廼告君曰子道已成可以反
矣復百年求我於南嶽授爾仙任於吳越也
君廼停雲駕於天衢止羽車於漢路短褐布

衣歸寧父母於是父欲杖而罰之君怡顏跪
謝温恭盡禮杖即碎斷飛揚四濺如電擊焉
父又令君生尸起死君即面召神祇口斷枉
闕死而活者不可稱數君之二弟並仕漢朝
爾時俱被國命同日引道遠近餞送數百餘
人君親自儻接初不異俗迺曰吾雖不作二
千石卿相亦當有神靈之職天帝見選補東
嶽上卿霍林司命總吳越生死錄籍亦神官
之要位也到來年四月三日當之官諸君復
能來顧如今日否於是衆賓僉懷欣允咸欲

賚持禮貺君並止之及至期戒旦忽有自然
門列賓亭路筵客宇土潤脂容地平鏡色神
官星羅天騎雲滿海頓龍輿山停鳳蓋烟來
而霧至者靡不充溢當賓接客並以虛空而
至甘肴旨酒珍竒美果之徒皆非衆賓所識

也金案寶卮靈童漢女之屬故非言象所述
也于時三天請駕九錫催陳君迺瞻羽蓋而
整神容念將離而歛玉色於是舉手言乖無
不周徧迺告衆人曰真道隱迹迺不應表顯
動耀視聽吾今所以不得默爾者欲以勸誘

二弟之追慕也亦何待二弟之反迷天下有心者盡當注向神仙耳今去當停江水之東句曲之山以自清勵然後受事也於是聳雲輶而安動進羽駕而徐迴鸞鳴鳳嘯虎躍龍騰紫蓋成霞朱旂起電既神駕之不淹轡仙

師六

四

輪而易遠於是人相視歔歔不禁君廼奮龍轡而來翔指句曲而留憇朱宮懸列紫館虛成總任璿璣徧司吳越千里而至者不可稱也二弟聞君得道各解秩還私停家修習積有五歲渡江尋兄君廼教以黃帝四扇神散

之方青芽變枯潤骨之法精勤丹至積感幽
靈君又啓王君於二弟艱難勤苦備加慊到
遂皆降以神天高聖之授俱晏虎駟矣君然
後乘九錫之駕轡三天之輪汎景浮空於南
嶽耳猶且哀黔首之顛顛愍黎元之不救故
期諸一歲再降金陵料別有善載之玉牒惟
君道德仁智之深孝悌通神之至感幽徹靈
之誠震天動地之業自古及今莫能擬者若
夫望景奔月控龍轡鵠之徒尚不能以喻其
盛況羊潛鹿處水行火變之儔其可喻君之

魏魏耶有道士張繹欣聖迹之預聞慨真顏
之不睹念至德之日道懼傳芳之消歇故敬
携同志謹鐫傳錄雖復羅衣之屢拂藁巨石
之不糜面千齡而瀝腎對萬古以披心但恨
言不足以盡意庶冥鑒之匪尤廼仰銘曰

師六

五

玄玄妙始窅窅靈端智明不體慧寂何言心
期絕路指測無源哀此黔首念彼飛喧流連
永夜波迸長昏促生電逝短晷星奔異生天
世俱為夜蒐從迷既往望反無門誰哀誰悍
惟聖惟賢應逐規矩感任方員以師以友作

輔作天惟我真人厥誕茅裔孤貞獨秀邈爾
震際如彼玉京迢迢天外如彼河清千年一
世惟君聖德獨立孤貞耽玄味道舍秩辭榮
千年一世如彼河清迢迢天外如彼玉京秋
威春澤日暄月明金剛玉潤水潔冰清長懷
萬古虛仰千齡芳音既遠傳石流聲

碑陰題

此碑有如玄孱宿構畧有四事一者工人鑿
山唯得此碑一石有如現成二者衆石悉不
堪作趺唯所指安碑處一石有如伏龍之狀

三者密石連環唯安柱處有自然埴四者事
竟洞內飛泉忽涌碑陰及兩旁徧刻齊梁諸
館高道姓名畧見采真游篇石柱篆刻自然
弟子徐楷敬謁華陽洞天唐宋刻題多漫缺
矣

上清真人許長史舊館壇碑

弟子華陽隱居陶弘景謹造

悠哉曠矣宇宙之靈也固非言象所傳文迹
可記默然則後之人奚聞乎含吐萬有化育
羣生本其所由義歸冥昧至於形域區分性

用殊品事限觀聽理窮數識者倘或可論山之
高海之廣夫何故以其有容焉大天之內
復有小天三十六所並拓寓地空亘涂水脉
關闈風岫通氣雲巘此山本號句曲其下是
第八洞宮名曰金壇華陽之天周迴一百五

師六

六

十里分置三府前漢元帝世有咸陽三茅君
得道來掌此任故稱茅山具詳傳記至晉太
和元年句容許長史在斯營宅厥迹猶存宋
初長沙景王就其地之東起道士精舍天監
十三年勅買此精舍立為朱陽館將遠符先

徵定祥火曆於館西更築隱居住止十四年
別創鬱岡齋室追玄洲之蹤十七年廼繕勒
碑壇仰述真軌

真人姓許諱穆世名謚字思玄本汝南平輿
人後漢靈帝中平二年六世祖光字少張避

許相諛俠廼來過江居丹陽句容都鄉之吉
陽里後仕吳爲光祿勳識宇亮拔奕葉才明
祖尚字元甫有文章機見吳中書郎父副字
仲先器度淹通風格清簡晉剡令寧胡將軍
下邳太守西城侯長史副第五子也正生少

知名簡文在藩爲世表之交起家太學博士
朝綱禮肆儒論所宗出爲餘姚令勤恤民隱
惠彼鄰邑徵入凱闡納言帝側昇平末除護
軍長史本郡中正外督戎章內詮茂序遐邦
肅律鄉采砥行太和中遷給事中散騎常侍

師六

七

蟬冕輝華事歸尚德簡文踐極方優國老儵
值晏駕於焉告退專靜山廬以修上道君雖
搢紱朝班諷議庠塾而心標象外志結霞門
第四兄遠游永和四年嘉遁不反君尚想幽
奇歲月彌軫恒與楊君深神明之契興寧中

衆真降楊備令宣諭龍書雲篆僉然徧該靈
謨與旨于茲必究年涉懸車遵行愈篤太元
元年解駕違世春秋七十有二子孫禮寔虛
柩於縣西大墓京陵之蹤未遠飛劍之墮在
焉謹按真誥君挺命所基緣業已久周武王
世九宮上相長里薛公之弟也兼許肇遺功
復應垂祉後胤故乘運託生因資成道玉札
所授爲上清真人爵登侯伯位編卿司理仙
撫治佐聖牧民矣真傳未顯於世莫能具述

楊君諱義
事具真誥

長史第三子諱玉斧世名翽字道翔正生母
陶威女先亡已得在洞府易遷宮中君清顏
瑩潔特絕世倫郡舉上計掾不赴糝糠塵務
研精上業即弘景玄中之真師也恒居此宅
繕修經法楊君數相從就亟通真感太和五

年於茲告逝時年三十真誥云後十六年當

度東華為上相青童君之侍帝晨受書為上

清仙公與谷希子並職

帝晨之任

君長兄揆

世名剛次兄虎牙世名聯並亦得道揆今有

玄孫靈真在山勅立嗣真館以褒遠祖之德

皇上乘弘誓本力來君此土燾育蒼祇範鑄
羣品導法開俗隨緣啓教以隱居積蘊三真
經誥火棲華陽宜還舊宅供養修理廼勅工
匠建茲堂靖即仰祇帝則兼闡大猷東位青
壇西表素塔壇塔之間通是基址埋甌揜瓦
投鋪便值紫烟白霧纏徊蔭蓋宅南一井即
長史所穿井南大塘延郭朝遺製源出田公
之泉路通姜巴之軌旁枕雷平前瞰下泊東
際連岡北橫長嶺柳汧陽谷俱會西垂四域
之內皆謂之金陵地肺者也長史所居尤爲

標勝方將駟雲虬而高騁驅奔鶴以追風望
洪濤之浩汗睠故都以浸遠古人有言匪作
奚傳敢刊石頌永屬來賢

渾樞鶩氣方祇吐靈依性分境傳識賦形化
通八寓功浹四溟巡跡電滅測體淵渟旋區
嶽立亘海雲舒搏風泳水蹠實馮虛亦有幽
匠開石架廬情高身遠天府地居縈巒已曲
畫壤肺浮五闈面啓九涂環周長隰旁嶺交
沂比流廼稱龍伏寔謂金丘昔在西漢三茅
來賓爰暨東晉二許懷真裁基浚井棲道接

神允膺輔聖錫茲侍宸參差年代網緼名氏

書詰具宣精華未弭甄他為切梵將淪沉階已

毀拱樹霜摧脩庭草委肇館華陽歲纏二紀

未觀前猷聿遵洪軌帝曰楸哉爾焉斯止經

之營之輪乎奐矣勝殿密響瀉瓶揚芬瑤宮

師六

九

碧簡絢采垂文璫函玉檢綺幕繡巾蘭缸迺

耀金鑪揚熏桐栢雙教方諸兼學並證心清

俱漏身濁離有離無且華且朴結號虛皇筌

法正覺藥微質瑩禪感慧通飛行歛悅捫景

帶虹振苦排郭還明反聰物言是力我見無

功紛紜今古汗漫兩儀三相幻惑舟壑自移
緣來則應不慮不為式題龜錄人天鑒知

碑陰記

此碑梁普通三年太歲壬寅
金石刊至唐大曆十三年太

歲戊午凡二百六十六年文字將湮
中山劉明素字暎微重加洗刻也

華陽隱居陶弘景丹陽秣陵西鄉下里人宋

孝建三年丙申歲夏至之日未曉時生仕齊

高武世諸王侍讀奉朝請永明十年壬申歲

投紱棲山住中茅嶺上立為華陽館至梁天

監四年移居積金東澗七年往永嘉楠江青

嶂山十年涉海詣霍山十一年夏還木溜嶼

其年十月奉勅迎還舊山十三年正月至茅
山入住東澗十四年冬徙來此館十五年移
鬱岡齋室靜齋

上清弟子華陽前館主吳郡海鹽陸逸冲
上清弟子宗元前館主東海剡縣楊超遠

上清弟子朱陽館主丹陽湖孰潘淵文

上清弟子華陽前館主晉陵丁景達

上清弟子華陽前館主晉陵馮法明

上清弟子嗣真館主丹陽句容許靈真

上清弟子四明山館主會稽山陰潘文盛

上清弟子太平山館主吳郡錢唐褚仲儼

齊世祖武皇帝

太宗明皇帝

衡陽王蕭筠

揚州刺史始安王蕭遙光

師六

荊州刺史聞憲公蕭遙欣

尚書令太子少保丹陽尹建昌侯沈約

開府儀同三司平固忠敬公呂僧珍

侍中吏部尚書吳興太守謝覽

南梁州刺史豫章王司馬季延胄

交州刺史始興王司馬阮研

臨海太守伏曼容

晉安太守謝篡

晉熙太守紀僧猛

梁武皇帝

太尉揚州刺史臨川王蕭

開府儀同三司南平王蕭偉

南平王世子蕭恪

侍中豫章內史太尉長史謝舉

臨川王世子前羅平侯蕭立正

廷尉卿虞權

右王侯朝士刺史二千石過去見在受經
法者普通三年五月五日畧記

茅山志卷之二十

師六



